

Uunga siunnersuut: Inatsisartut Naatsorsueqqissaartarfik pillugu inatsisaata allanngortinneqarneranik Inatsisartut inatsisaat

(Aningaasaqarnermut, Aatsitassanut Nunanullu Allanut Naalakkersuisoq)

Akissuteqaat

(Aningaasaqarnermut, Aatsitassanut Nunanullu Allanut Naalakkersuisoq)

Pingajussaaneerneqarnera

Inatsisartut inatsisissatut siunnersuut akuersaartumik suliarimmassuk Naalakkersuisut sinnerlugit qutsavigaakka.

Inatsisissatut siunnersuutip pingajussaaneerneqarnissaanut allannguutissatut siunnersuut, akissuteqaammut ilanngullugu nassiunneqartoq saqqummiunniarlugu Naalakkersuisut aalajangerpaat. Allannguutissatut siunnersuut aappassaaneerinermi saqqummiussassatut naatsorsuussaaqqaaraluarpoq, kinguaattoornerilli pissutigalugit aatsaat pingajussaarinermi saqqummiunneqarluni. Neriuppunga Inatsisartut allannguutissatut siunnersuut akuersaarumaaraat.

Allannguutip Naalakkersuisut piginnaatissavai siulersuisut siulittaasuannik, aktieselskabit Namminersorlutik Oqartussanit tamakkiisumik ilaannakuusumilluunniit pigineqartut siulersuisuini siulittaasunut akissarsiaritinneqartut appasinnerpaat atuuttut affaattut amerlassuseqartunik ukiumut akissarsiaqartitsinissamut. Maannakkut akissarsiaasut siulersuisuni siulittaasuunermut atatillugu suliamut naapertuutinngitsutut nalilerneqarput.

Taamatut oqaaseqarlunga siunnersuut allannguutissatullu siunnersuut saqqummiunneqartoq Naalakkersuisut sinnerlugit Inatsisartunut suliassanngortippakka.